



Komisija za očuvanje nacionalnih spomenika, na osnovi člana V stav 4. Aneksa 8. Općeg okvirnog sporazuma za mir u Bosni i Hercegovini i člana 39. stav 1. Poslovnika o radu Komisije za očuvanje nacionalnih spomenika, na sjednici održanoj od 20. do 26. januara 2004. godine, donijela je

## ODLUKU

### I

**Historijsko područje – Bedemi i tabije starog grada Jajca** proglašava se nacionalnim spomenikom Bosne i Hercegovine (u daljnjem tekstu: nacionalni spomenik).

Nacionalni spomenik čini historijsko područje koje obuhvata objekte fortifikacione arhitekture koji se nalaze pored graditeljske cjeline - Tvrđava u Jajcu koja je proglašena nacionalnim spomenikom odlukom Komisije za očuvanje nacionalnih spomenika (u daljnjem tekstu: Komisija), broj: 06-6-504/03-1 od 21. januara 2003. godine («Službeni glasnik BiH», broj 15/03).

Nacionalni spomenik se nalazi na lokaciji koja obuhvata sljedeće k.č, k.o. Jajce I, općina Jajce, Federacija Bosne i Hercegovine, Bosna i Hercegovina:

a/ sjeverni perimetralni bedem sa sljedećim potezima:

1. potez od sjeveroistočnog ugla tvrđave do Mračne kapije - Velike tabije, k.č. 2810/2,
2. Mračna kapija, k.č. 3239 (danas ulica),
3. Velika tabija, k.č. 2165/2 (k.č. 542, stari premjer).
4. zid od Velike tabije do Kule na Džikovcu (k.č. 1231, stari premjer),
5. Kula na Džikovcu,
6. zid između Kule na Džikovcu i Papaz-kule, k.č. 2065/2 (k.č. 1234, stari premjer),
7. Papaz-kula, drugi naziv Banjalučka kapija (k.č. 1244, stari premjer),
8. zid između Papaz-kapije (Banjalučke kapije) i Šamića tabije, k.č. 2165/2 (k.č. 1300, stari premjer),
9. Šamića tabija,
10. zid između Šamića tabije i Vrbasa (k.č. 1308, stari premjer);

b/ zapadni perimetralni bedem sa sljedećim potezima:

1. zid od tvrđave do Medvjed-kule, k.č. 2830,
2. Medvjed-kula (k.č. 1002, stari premjer),
3. zid južno od Medvjed-kule do Plive (k.č.1003, stari premjer); perimetralni zidova koji teku istočnom i južnom stranom sa Travničkom kapijom (k.č. 980/2, stari premjer);

c/ dijelovi južnog i istočnog zida sa Travničkom kapijom (k.č. 980/2, stari premjer);

d/ Sahat-kula, k.č. 2795 (933, stari premjer).

Na nacionalni spomenik se primjenjuju mjere zaštite i rehabilitacije utvrđene Zakonom o provedbi odluka Komisije za zaštitu nacionalnih spomenika uspostavljene

u skladu sa Aneksom 8. Općeg okvirnog sporazuma za mir u Bosni i Hercegovini ("Službeni glasnik BiH", br. 2/02, 27/02 i 6/04).

## II

Vlada Federacije Bosne i Hercegovine (u daljnjem tekstu: Vlada Federacije) dužna je osigurati pravne, naučne, tehničke, administrativne i finansijske mjere za zaštitu, konzervaciju, prezentaciju i rehabilitaciju nacionalnog spomenika.

Vlada Federacije dužna je osigurati sredstva za izradu i provođenje potrebne tehničke dokumentacije za rehabilitaciju nacionalnog spomenika.

Komisija će utvrditi tehničke uvjete i osigurati finansijska sredstva za izradu i postavljanje informacione ploče sa osnovnim podacima o spomeniku i odluci o proglašenju dobra nacionalnim spomenikom.

## III

U cilju trajne zaštite nacionalnog spomenika utvrđuje se sljedeće:

**I zona zaštite** obuhvata prostor definiran u tački I stav 2. ove odluke, odnosno prostor fortifikacionih objekata: sjeverni i zapadni perimetralni bedemi sa tabijama i kulama, ostacima bedema na istočnoj i južnoj strani grada sa Travničkom kapijom i odvojenom Sahat-kulom. U ovoj zoni provode se sljedeće mjere zaštite:

- dopušteni su samo istraživački i konzervatorsko-restauratorski radovi uz odobrenje federalnog ministarstva nadležnog za prostorno uređenje i stručni nadzor nadležne službe zaštite naslijeđa na nivou Federacije Bosne i Hercegovine;

- izvršiti čišćenje zidova od rastinja koje predstavlja opasnost za strukturu spomenika;
- izvršiti sanaciju zidova od oštećenja prouzrokovanih dugogodišnjim neodržavanjem i mehaničkim oštećenjima .

**II zona zaštite** obuhvata pojas od 1,50 m uz zidove i ostale fortifikacione objekte. U ovoj zoni je zabranjena izgradnja.

Šire područje nacionalnog spomenika bit će definirano posebnom odlukom Komisije o proglašenju historijske jezgre Jajca nacionalnim spomenikom.

## IV

Stavljaju se van snage svi provedbeni i razvojni prostorno - planski akti koji su u suprotnosti sa odredbama ove odluke.

## V

Svako, a posebno nadležni organi Federacije Bosne i Hercegovine, kantona, gradske i općinske službe suzdržat će se od poduzimanja bilo kakvih radnji koje mogu oštetiti nacionalni spomenik ili dovesti u pitanje njegovu zaštitu i rehabilitaciju.

## VI

Ova odluka dostavit će se Vladi Federacije, federalnom ministarstvu nadležnom za prostorno uređenje, nadležnoj službi zaštite naslijeđa na nivou

Federacije Bosne i Hercegovine i općinskom organu uprave nadležnom za poslove urbanizma i katastra, radi provedbe mjera utvrđenih u tač. II - V ove odluke i nadležnom općinskom sudu radi upisa u zemljišne knjige.

## VII

Sastavni dio ove odluke je obrazloženje sa pratećom dokumentacijom, koje je dostupno na uvid zainteresiranim licima u prostorijama i na web stranici Komisije (<http://www.aneks8komisija.com.ba>).

## VIII

Prema članu V, stav 4. Aneksa 8. Općeg okvirnog sporazuma za mir u Bosni i Hercegovini, odluke Komisije su konačne.

## IX

Ova odluka stupa na snagu danom donošenja i objavit će se u «Službenom glasniku BiH».

Ovu odluku Komisija je donijela u sljedećem sastavu: Zeynep Ahunbay, Amra Hadžimuhamedović, Dubravko Lovrenović, Ljiljana Ševo i Tina Wik.

**P.o. Predsjedavajuće Komisije**

**Amra Hadžimuhamedović**

Broj: 05.2-02-508/03-1  
20. januara 2004.godine  
Sarajevo